

სახელმწიფო შესყიდვების შესახებ ხელშეკრულება N170/06

ქ. თბილისი

19 თებერვალი 2018 წ.

ერთის მხრივ სსიპ ივანე ჯავახიშვილის სახელობის თბილისის სახელმწიფო უნივერსიტეტი (შემდგომში „შემსყიდველი“) წარმოდგენილი ადმინისტრაციის ხელმძღვანელის ნუნუ ოვსიანიკოვას სახით და მეორეს მხრივ შპს „ესაბი“ (შემდგომში „მიმწოდებელი“), წარმოდგენილი მისი აღმასრულებელი დირექტორის აკაკი ციმაკურიძის სახით, სახელმწიფო შესყიდვების კანონის და პრეტენდენტის (შპს „ესაბი“) სატენდერო წინადადების საფუძველზე, გამარტივებული ელექტრონული ტენდერის (NAT180001636) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე ხელშეკრულებით სხვა რამ არ არის გათვალისწინებული.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. ეკონომიკური საქმიანობიდან მიღებული შემოსავლების დაფინანსების ფარგლებში სსიპ ივანე ჯავახიშვილის სახელობის თბილისის სახელმწიფო უნივერსიტეტის საბეჭდი მოწყობილობის Xerox WC5740 შეკეთება და ტექნიკური მომსახურების (CPV50300000) სახელმწიფო შესყიდვა.
- 2.2. ხელშეკრულებით გათვალისწინებული შესყიდვის ობიექტის სრული აღწერა და ძირითადი მახასიათებლები მოცემულია დანართი N1-ში (პრეისკურანტი), რომელიც წარმოადგენს წინამდებარე ხელშეკრულების განუყოფელ ნაწილს.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს 1764.00 (ათასშვიდაცხამოცდაოთხი) ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებულ საქონლის/მომსახურების მიწოდებასთან დაკავშირებულ მიმწოდებლის ყველა ხარჯს, საქართველოს კანონმდებლობით გათვალისწინებულ გადასახადებს.

4. სტანდარტი

აპარატურის შეკეთება და ტექნიკური მომსახურება უნდა აკაყოფილებდეს შემსყიდველის მოთხოვნებს, მომსახურება შესრულებული უნდა იყოს მაღალკვალიფიციურ დონეზე;

5. ხელშეკრულების შესრულების კონტროლი

5.1 ხელშეკრულების შესრულების კონტროლს განახორციელებს სსიპ ივ. ჯავახიშვილის სახელობის თბილისის სახელმწიფო უნივერსიტეტის კომპიუტერული ტექნიკის, მაკომპლექტებელი და სათადარიგო ნაწილების ინსპექტირების ჯგუფი, რომელსაც შეუძლია ინსპექტირება განახორციელოს ხელშეკრულების მოქმედების ნებისმიერ ეტაპზე, როგორც ინდივიდუალურად, ასევე ერთობლივად. ინსპექტირება გულისხმობს შესაბამისობის დადგენას ხელშეკრულებით გათვალისწინებულ ტექნიკურ პირობებთან, ხელშეკრულების პირობების შესრულებას, მიწოდებისათვის აუცილებელი პირობებისა და ნორმების დაცვას.

5.2. „შემსყიდველი“ ორგანიზაცია უფლებამოსილია აწარმოოს შესასყიდი საქონლის ხარისხის ინსპექტირება ხელშეკრულების მოქმედების ნებისმიერ ეტაპზე.

5.3 „შემსყიდველი“ ვალდებულია ოპერატიულად, წერილობითი სახით, აცნობოს „მიმწოდებელს“ საბოლოო შემოწმების შედეგი დაწუნებული საქონლის დასახელების და წუნდების მიზეზის მითითებით.

5.4. „მიმწოდებელი“ ვალდებულია საკუთარი ხარჯებით (ტრანსპორტირების ჩათვლით) უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და წუნდებული შესყიდვის ობიექტის შეცვლა.

6. მომსახურების გაწევის ვადა, ადგილი და პირობები

6.1. საქონლის მიწოდების და მომსახურების ადგილია ივანე ჯავახიშვილის სახელობის თბილისის სახელმწიფო უნივერსიტეტი, ჭავჭავაძის გამზ. #1.

6.2. მიმწოდებელმა უნდა უზრუნველყოს ხელშეკრულების გაფორმების დღიდან 30(ოცდაათი) კალენდარული დღის განმავლობაში უნივერსიტეტის სარგებლობაში არსებული საბეჭდი მოწყობილობის Xerox WC5740 შეკეთება და ტექნიკური მომსახურება, რაც გულისხმობს ტექნიკის ნაწილების მიწოდებას, გამოცვლას და ექსპლუატაციაში გაშვებას; (ჩამონათვალი იხ. დანართი №1-ში)

6.3. ხელშეკრულების დამდებ არცერთ მხარეს არა აქვს უფლება შეიტანოს გრაფიკში ცვლილებები მეორე მხარესთან შეთანხმების გარეშე.

7. შესყიდვის ობიექტის მიღება-ჩაბარების წესი

7.1 შესყიდვის ობიექტის მიღება-ჩაბარება ფორმდება მიღება-ჩაბარების აქტით, სათანადო სასაქონლო ზედნადების/ანგარიშფაქტურის თანდართვით, „შემსყიდველისა“ და „მიმწოდებლის“ უფლებამოსილი წარმომადგენლების ხელმოწერით.

7.2. მიღება-ჩაბარებისას შემსყიდველი ორგანიზაცია განახორციელებს მიწოდებული შესყიდვის ობიექტის ინსპექტირებას. ინსპექტირების შედეგებზე შედგენილ იქნება დასკვნა უფლებამოსილი პირების ხელმოწერით.

8. ანგარიშსწორების ფორმა, ვადები და პირობები

8.1. „მიმწოდებელთან“ ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

8.2. ანგარიშსწორება იწარმოებს უნაღდო ანგარიშსწორებით „შემსყიდველსა“ და „მიმწოდებელს“ შორის მიღება-ჩაბარების აქტის, სასაქონლო ზედნადების და/ან საგადასახადო ანგარიშ-ფაქტურის გამოწერიდან და ინსპექტირების დადებითი დასკვნის წარმოდგენიდან 10 (ათი) სამუშაო დღის განმავლობაში.

8.3. წინასწარი ანგარიშსწორება არ გამოიყენება.

9. მხარეთა პასუხისმგებლობა

9.1. ხელშეკრულებით დადგენილ ვადებში სახელშეკრულებო ვალდებულების შეუსრულებლობის ან არაჯეროვანი შესრულების შემთხვევაში, „შემსყიდველი“ უფლებამოსილია დააკისროს მიმწოდებელს პირგასამტეხლო სახელშეკრულებო ღირებულების 0,02%-ის ოდენობით ყოველი ვადაგადაცილებული დღისათვის.

9.2. ხელშეკრულების ღირებულების გადახდის ვადის გადაცილების შემთხვევაში „მიმწოდებელი“ უფლებამოსილია დააკისროს „შემსყიდველს“ პირგასამტეხლო სახელშეკრულებო ღირებულების 0,02%-ს ოდენობით ყოველი ვადაგადაცილებული დღისათვის.

9.4. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, მხარეები იტოვებენ უფლებას შეწყვიტონ ხელშეკრულება და მოსთხოვონ მეორე მხარეს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.5. მხარეებს უფლება აქვთ მოითხოვონ ხელშეკრულების შეუსრულებლობით ან/და არაჯეროვანი შესრულებით მიყენებული ზიანის ანაზღაურება საქართველოს კანონმდებლობით დადგენილი წესით.

9.6. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისგან.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5. მხარე ვალდებულია 10.4. პუნქტით გათვალისწინებული გადაწყვეტილების მიღების განზრახვის შესახებ არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალების გამოყენებით შეატყობინოს მეორე მხარეს.

11. დაუძლეველი ძალა

11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

11.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

13.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2018 წლის 31 დეკემბრის ჩათვლით.

13.2. ხელშეკრულება შედგენილია ქართულ ენაზე თანაბარი ძალის მქონე სამ ეგზემპლარად და გადაეცემათ მხარეებს ორი შემსყიდველს ერთი მიმწოდებელს.

14. მხარეთა რეკვიზიტები

შემსყიდველი

სსიპ –ივანე ჯავახიშვილის სახელობის თბილისის

სახელმწიფო უნივერსიტეტი

მისამართი – ი.ჭავჭავაძის გამზ #1

საბანკო რეკვიზიტები:

სახელმწიფო ხაზინა

თსუ ეკონომიკური შემოსავლები

სახ.კოდი - 3204050101

საიდენტიფიკაციო კოდი: 204864548

მიმწოდებელი

შპს „ესაბი“

მისამართი – ჭავჭავაძის 37დ

საბანკო რეკვიზიტები:

პროკრედიტ ბანკი

ანგ. GE30 PC00 5360 0100 0130 98

ბანკის კოდი MIBGGE22

საიდენტიფიკაციო კოდი 204378173

სსიპ –ივანე ჯავახიშვილის სახელობის თბილისის
სახელმწიფო უნივერსიტეტის ადმინისტრაციის
ხელმძღვანელი



/ნ.ოვსიანიკოვა/

შპს – „ესაბი“ –ს აღმასრულებელი
დირექტორი



/ა.ციცუაშვილი/

ფასების ცხრილი

საოფისე ტექნიკის შეკეთება და ტექნიკური მომსახურება
(CPV50300000)

N	შესაკეთებელი ტექნიკის დასახელება	გამოსაცვლელი დეტალის მწარმოებელი ქვეყანა, ფირმა და მოდელი	მომსახურების აღწერა	რაოდენ ობა	ერთეულის ფასი	სულ ღირებულება
1	XEROX WC 5740 მულტიფუნქციური ასლგადამღები აპარატი	XEROX 007K21830 ჩინეთი/უკრაინა	დეველოპერის ბლოკის კბილანა (DEVELOPER GEAR) შეკეთება/გამოცვლა	1 ცალი	132	132
2	XEROX WC 5740 მულტიფუნქციური ასლგადამღები აპარატი	XEROX 604K41360 ჩინეთი/უკრაინა	გამქლავნების კვანძი დეველოპერით DEVELOPER MODUL შეკეთება/გამოცვლა	1 ცალი	1632	1632
სულ ფასი					1764 ლარი	

სსიპ ივანე ჯავახიშვილის სახელობის თბილისის
სახელმწიფო უნივერსიტეტის ადმინისტრაციის
ხელმძღვანელი


/ნ.ოვსიანიკოვა/

შპს – „ესაბი“-ს აღმასრულებელი
დირექტორი


/ა. ციმაგურიძე/

ინფორმაცია ინტერესთა კონფლიქტის შესახებ

“ 19 “ თებერვალი 2018 წ.

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ხელის მოწერით ვადასტურებ, რომ სსიპ ივანე ჯავახიშვილის სახელობის თბილისის სახელმწიფო უნივერსიტეტის მიერ ელექტრონული ტენდერის, აუქციონის გარეშე, საშუალებით საბეჭდი მოწყობილობის შეკეთება და ტექნიკური მომსახურების სახელმწიფო შესყიდვის განხორციელებაში (განცხადების ნომერი NAT180001636) ჩემი მონაწილეობა შპს „ესაბი“-სთან არ იწვევს ინტერესთა კონფლიქტს.

თსუ ადმინისტრაციის ხელმძღვანელი




ნ. ოვსიანიკოვა

ინფორმაცია ინტერესთა კონფლიქტის შესახებ

“ 19 “ თებერვალი 2018 წ.

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, თითოეული პირი ხელის მოწერით ადასტურებს, რომ სსიპ ივანე ჯავახიშვილის სახელობის თბილისის სახელმწიფო უნივერსიტეტის მიერ, ელექტრონული ტენდერის, საშუალებით საბეჭდი მოწყობილობის შეკეთება და ტექნიკური მომსახურების CPV50300000 (განცხადების ნომერი NAT180001636) შესყიდვის მიზნით 2018 წლის 19 თებერვალს გაფორმებული N170/06 ხელშეკრულების შესრულების კონტროლისა და ზედამხედველობის განხორციელებაში შპს „ესაბი“-სთან მისი მონაწილეობა არ იწვევს ინტერესთა კონფლიქტს.

თსუ კომპიუტერული ტექნიკის, მაკომპლექტებელი
და სათადარიგო ნაწილების ინსპექტირების
ჯგუფი:




ბ. ალადაშვილი



მ. გარცაძე



მ. ბარბაქაძე



ც. გავაშელი



ბ. გვეჭკორი



თ. გოგნაძე



ნ. მამუჩაშვილი